

EBORACVM, Metropolis Scotiæ & partis Septentrionalis Britanniae.

Hæc est antiqua Notitia prouinciarum & Metropoleon Ecclesiasticarum Romani Patriarchatus, cui vnicum addendum superest, scilicet Patriarcharum, qui huic præfuerunt, series. Eam autem ex authoribus antiquis historiæ Ecclesiasticæ, Marcellino Comite & Anastasio Bibliothecario, per ipsamet eorum verba sic proferam.

PONTIFICES ROMANI, QVI SEDEM Apostolicam per ea tempora tenuerunt, circa quæ hæc Notitia versatur.

SVb Claudij Imperio, benigna & propitia Dei, totius huius vniuersitatis Euseb. hist. Eccl. 1. 2. cap. 13. rectoris, erga humanum genus prouidentia, fortem ac præpotentem, & reliquorum omnium Apostolorum propter virtutis amplitudinem facile principem PETRVM, Romam versus, ad eiusmodi pestiferam vitæ humanæ corruptelam delendam, quasi manu duxit. Quiquidem, vtpote generosus & strenuus Dei dux, diuinis armis obtectus, munitusque, eximiam & pretiosam tanquam mercaturam veri luminis, mente sola comprehensi, ab Oriente ad Occasum vsque deportauit: ipsamque regni cælorum prædicationem, cælestem scilicet lucem, & salutarem animorum doctrinam, palam diuulgauit.

Post Pauli & Petri martyrium, primus Romanæ Ecclesiæ Episcopatum Idem hist. Eccles. 3. cap. 2. LINVS fortitò capit. Huius meminit Paulus, è Roma ad Timotheum scribens, in ea salutatione quam ad extremam epistolæ partem adnectit: Saluant te, inquit, Eubulus, Prudens, Linus & Claudia.

Linus Episcopus, cum duodecim annis Ecclesiæ Romanæ ministerium Idem hist. Eccl. 1. 2. cap. 12. obiisset, ANACLETO eam tradidit.

Quidam Clerum addunt: sed nulla eius mentio est apud authores antiquos historiæ Ecclesiasticæ, vt nec apud Optatum Mileuit. Epiphanius autem Cleti meminit, & non Anacleti.

Cum Anacletus Romanam Ecclesiam annos duodecim Episcopus ad- Idem hist. Eccles. 3. cap. 11. ministrasset, eum sequutus est CLEMENS. Apostolus in epistola scripta ad Philipenses, cooperarium suum fuisse docet. Cum Clemente, inquit, & reliquis meis cooperarijs, quorum nomina sunt in libro vitæ.

Clemens apud Optatum l. 2. immediatè post Linum, ante Anacletum ponitur.

Clemens vnus ex Episcoporum Romanorum numero, cum nouem annis docendo verbo Dei diligentem curam adhibuisset: ministerio suo & officio EVARESTO concredito, tertio anno [Traiani] diem suum obiit. Idem hist. Eccl. 1. 3. cap. 28.

Vbi octo annos Euarestus in Romanæ Ecclesiæ procuratione ob- Idem hist. Eccl. 1. 4. cap. 1. eunda compleuisset, ALEXANDER quintus, successionem à Petro & Paulo ducta, Pontificatum obtinet.

Tertio anno Adriani imperij, Alexander Pontifex Romanus, cum de- Idem hist. Eccl. 1. 4. cap. 1. cem annos in eo munere fungendo compleuisset, decedit è vita, cuius XISTVS successor fuit.

Vbi Xistus decem annorum spatium in Romani Pontificatus admini- Idem hist. Eccl. 1. 4. cap. 5. stratione confecerat, septimus ab Apostolis successit TELESFORVS

Telephoro verò primo [Antonini Pij] imperij anno, vndecimo autem Idem hist. Eccl. 1. 4. cap. 10. sui ministerij completo, ex hac luce migrante, HYGINO Pontificatus Ecclesiæ Romanæ sorte obuinit.